

Reglur

og leiðbeiningar um sölu og útflutning á fullþurkuðum saltfiski.

(Tilkynning nr. 5 frá útflutningsnefndinni).

1 gr.

Samningurinn milli Bandamanna og íslensku stjórnarinnar áskilur, að bjóða skuli fulltrúa Bandamanna til kaups alla þessa árs framleiðslu af þurkuðum saltfiski, að undanteknu því, sem haft verður til notkunar í landinu sjálfu, jafnóðum og varan er tilbúin til útflutnings.

Öll sala fer fram gegnum landsstjórnina, og annast útflutningsnefndin allar framkvæmdir þar að lútandi, samkvæmt auglýsingu stjórnarráðsins, dags. 3. þ. m., og enn fremur reglugjörð stjórnarráðsins, dags. 11. s. m., og gilda þar um eftirfarandi reglur og leiðbeiningar.

2. gr.

Samkvæmt samningnum ber að afhenda fiskinn á þessum höfnum:

Reykjavík,
Ísafirði,
Akureyri,
Seyðisfirði og
Vestmannaeyjum.

En fulltrúi Bandamanna hefir fallist á við nefndina, að kaupa og veita móttöku fiski einnig á þessum stöðum:

Hafnarfirði, Þingeyri,
Stykkishólmi, Norðfirði,
Patreksfirði, Eskifirði og
Bildudal, Fáskrúðsfirði.

3. gr.

Samkvæmt nefndum samningi er verðið á fyrstu 12000 smál. af alskon-
ar fiski, sem Bandamenn kaupa, þannig á fullþurkuðum fiski:

Stórfiskur nr. 1	skpd. 170 kr.
—»— — 2	— 154 —
—»— lakari tegundir, þar með talinn lakur netjafiskur	— 140 —
Netjafiskur stór nr. 1	— 161 —
—»— — — 2	— 149 —
Smáfiskur nr. 1	— 157 —
—»— — 2	— 149 —

Labradorfiskur, þurkaður sem venja er til . . .	skpd.	123 kr.
Ysa nr. 1	—	140 —
— — 2	—	132 —
Upsi nr. 1	—	132 —
— — 2	—	123 —
Keila nr. 1	—	140 —
— — 2	—	132 —
Langa nr. 1	—	170 —
— — 2	—	154 —

103
29. júní

Þetta ber að skilja þannig, að vörumagnið á að samsvara 12000 smálestum af fullþurkuðum fiski, en 100 smálestir af saltfiski reiknast jafnt 64 smálestum af verkuðum fiski.

4. gr.

Komi það fyrir, að fulltrúi Bandamanna kaupir meira, en ofangreindar 12000 smálestir af allskonar fiski, er verðið ákveðið þannig á fullþurkuðum fiski:

Stórfiskur nr. 1	skpd.	250 kr.
—«— — 2	—	225 —
—«— — lakari tegundir, þar með talinn lakur netjafiskur	—	206 —
Netjafiskur stór nr. 1	—	237 —
—«— — — 2	—	219 —
Smáfiskur nr. 1	—	231 —
—»— — 2	—	219 —
Labradorfiskur, þurkaður sem venja er til . . .	—	181 —
Ysa nr. 1	—	206 —
— — 2	—	194 —
Upsi nr. 1	—	194 —
— — 2	—	181 —
Keila nr. 1	—	206 —
— — 2	—	194 —
Langa nr. 1	—	250 —
— — 2	—	225 —

Alt verðið er háð þeim skilyrðum, sem hjer fara á eftir.

5. gr.

Afsali fulltrúi Bandamanna forkaupsrjetti sínum, má útflutningsnefndin flytja fiskinn út til viðtakenda í löndum Bandamanna, Bandaríkjana í Norður-Ameríku, eða til viðurkendra viðtakenda í viðurkendum hlutlausum löndum, að áliði Bandamanna.

103

29. júní

6. gr.

Allur fiskurinn á að vera metinn af hinum skipuðu eiðsvörnu matsmönnum, er gefa vottorð um tegund hans samkv. gildandi lögum um fiskimat og þar að lútandi erindisbrjefum fyrir fiskimatsmenn.

7. gr.

Útflutningsnefndin sinnir eigi framboðum nema frá kaupmönnum, er kaupa fisk fyrir eigin reikning til heildsölu innanlands eða til útflutnings, ellegar frá fjelögum, er útflutningsnefndin viðurkennir, svo og frá útgerðarmönnum, er hafa talsverða framleiðslu. Sökum nauðsynlegra ráðstafana er mælst til, að allir kaupmenn, fjelög og útgerðarmenn, sem hafa fisk með höndum, komi með framboð sín svo fljótt sem unt er.

Það er bein skylda samkv. tjeðum samningi, að öll tilboð sjeu komin til útflutningsnefndar í síðasta lagi 2 mánuðum eftir að varan er tilbúin til útflutninga. Hvorki framleiðendum, kaupmönnum eða fjelögum er heimilt að hafa í sínum vörslum fisk, sem er annara eign en umboðsmanns Bandamanna eða útflutningsnefndar 28. febr. 1919, samkv. auglýsingu stjórnarráðsins, dags. 11. þ. m.

8. gr.

Fulltrúi Bandamanna getur krafist 14 daga frests til að ákveða, hvort hann vilji sinna kaupum, þó getur hann, ef þörf þykir, krafist lengri tíma til að lúka skoðun á fiskinum, og ákveða um kaupin að því búnu. Sínni hann kaupum, mega líða 30 dagar þangað til borgun fer fram, eða 30 dagar frá því að vottorð matsmanna hefir borist fulltrúanum; en verði vörunni skipað út fyrir þann tíma, skal verðið greitt um leið.

Nú er vörunni skipað út áður en 30 dagar eru liðnir, og greiðist verðið þá um leið og farmskrá, matsvottorð og vigtarskýrslur eru komnar í hendur fulltrúans, eða umboðsmanns hans. Í báðum tilfellum getur útflutningsnefndin ekki greitt andvirðið til seljanda nema faktúrur sjeu komnar henni í hendur.

9. gr.

Skylt er seljendum að flytja allan fisk um borð, greiða tolla og önnur gjöld, kaupanda að kostnaðarlausu og skal fiskurinn allur vera pakkaður í hrein-ar, sterkar strigaumbúðir (Hessian), ef krafist verður og sje það hægt, og í 50 kg. pakka, auk umbúða, eða bundinn með snærum í 50 kg. bindum, eða laus í skip, allt eftir vali kaupanda. Sje fiskurinn aðeins í bindum, skal dregið frá andvirði hans kr. 1,75 fyrir hver 160 kg., en sje honum hlaðið lausum í skip, skulu dregnir frá 50 aurar fyrir hver 160 kg., sem þóknun fyrir innanklæðning í skipið.

10 gr.

Á meðan fiskinum er eigi skipað út, hvílir vátryggingarskylda á seljend-

um, á ábyrgð landsstjórnar, en kaupandinn endurgreiði váttryggingargjaldið hlutfallslega fyrir þann tíma, sem fram yfir er 30 daga frá því kaup gerðust í hvert skifti. Sömuleiðis er það skylda seljanda, að geyma fiskinn í sínum húsum meðan honum er ekki skipað út, en seljendur fá borgaðan geymslukostnað, hlutfallslega fyrir þann tíma, sem fram yfir er 30 daga frá því að kaupin gerðust, og skal það reiknað eftir því sem venja er til, eða eftir samkomulagi. Kröfur um endurgreiðslu á slíkum gjöldum skulu sendar útflutningsnefndinni tafarlaust, þegar varan er komin um borð.

11. gr.

Verð fyrir þann fisk, sem seldur verður umfram tilgreindar 12000 smálestir, hvort heldur að fiskurinn selst til fulltrúa Bandamanna eða frjáls sala fæst á honum til tiltekinna landa, verður að lokum lagt við verðið fyrir ofan nefndar 12000 smálestir þannig, að eitt jafnaðarverð fáiist, að kostnaði frádregnum, fyrir hverja tegund fiskjarins út af fyrir sig.

Verði jafnaðarverðið, að frádregnum öllum kostnaði, hærra en það verð, sem útflutningsnefndin hefir borgað, verður seljendum bætt upp þannig að öll sala þeirra nái jafnaðarverðinu. Reynist hinsvegar jafnaðarverðið lægra, skal seljendum skylt að endurgreiða það sem þeim hefir verið borgað fram yfir jafnaðarverðið.

Þetta gildir jafnt hvort fiskurinn hefir verið seldur verkaður eða óverkaður.

12. gr.

Komi það fyrir að fulltrúi Bandamanna neiti forkaupsrjetti á fiski og útflutningsnefnd ákveði að senda þann fisk til útlanda til sölu þar, verða gefnar út sjerstakar reglur um sölu og greiðsluskilmála fyrir hann.

Reykjavík, 29. júní 1918.

Thor Jensen, *Pjetur Jónsson.* *O. Benjaminsson.*
formaður.